



The Makuilongdi Express

Liangmai Daily Newspaper

“Mazibo niu ngamne”



30th Sirui Lily Cup, National Level Football Tournament 2022-23 gu closing ceremony kajinghiu 18 bonai Nagaland gu Guitr Maestro Immainla Jamir niu pakamsi lenkhai sune

59th Femina Miss India 2023 gu pirun hai Rajasthan gasu Nandini Gupta niu doulu we, 1st runner up si Delhi gasu Shreya Poonja khatdi 2nd runners up hai Manipur gasu Thounaojam Strela Luwang niu dou mide



Zengtung 18 Kajinghiu 2023, Machanai -Office Gaililong, Tamei. PO-Tamei, Tml. Dist. Manipur Vol.II. Issue 25 page 1

“Kadihipiri khatdi sibo lungga bambo hina rapiu gu-e; kadihipiri khatdi siga lungmai hina pagu-e”. Tathoilui 24:1

Bihu gu dancers khatdi drummers chamai 11,304 niu Bihu lem lemkaibo gasu Assam Bihu Dancers Guinness World Records ga joumide



Guwahati, kajinghiu 14:

India gu Northeastern states ga bambo Assam niu kajannai Guinness Book of World Records ga palu jan roukhai mide.

Bihu lem lemboga chalem lem mai khatdi dhol kabu mai chamai 11,304 niu Indira Gandhi Athletic stadium, Guwahati ga Assam gu Bihu len lenkhajiu palu niu event pabam khatga Bihu dancers khatdi dhol drummers chamai kengthubo gu thiujii Guinness Book of world Records ga joumibo we. Sibo Bihu lem hai Prime Mnister Narendra Modi niu Guwahati ga wangbo ga lemkaibo we.

Haibo Bihu lem lemkaibo ga chalui kathui mai khatdi state gu Traditional instruments Dhol, Taal, Gogona, T oka, Pepa khatdi Xutuli thinjiu kamkhai rabo we. Chiujiu Guinness Certificates haisi Prime Minister Narendra Modi Niu State gu Boihu Cha-nee leng wangbo ga pikhaira ye.

Karai ga Chief Minister Hemanta Biswas sarma niu palu gu machun si dithubo Bihu lem haisi pabam khat gasu kamkhajiu Guinness Book of World Records gu Folk Dance category ga joulu ra leng ye chiujiu dinkhai mibo we. Sibo Bihu performance ga joukhaimai palu kati khaibi mai khatdi chalem lemkhaimai leng hai rk 25,000 zam pikhairaye chiu we.

Dr. Alyson Abonamai niu roadshow ngam kam hai diijiu tadkiu hai mi de



Tamenglong, kajinghiu 12:

Wangkinbo 18th Lok-Sabha election ga Outer Manipur parliamentary Constituency gasu election contest kam ra marangbam bo D.r Alyson Abonami niu Tameng District ga roadshow ngam hai wiiu tadkhai mide. Tngmikpui 3 gu roadshow tendon hai kajinghiu 13 bonai Imphal MBC gasu tadhoujiu Piulong ga nchun nia mathak khajiu kajinghiu 15 bonai Tamenglong-Noney tadtoujiu loikhai mibo we. Tamei ga Dr Alyson niu roadshow thiujii tadwangbo ga Tamei Namgu Authority khtadi Tamei maipui Baudi niu patu wiiu adoukhai ye.

Dr. alyson khatdi pamai

Cambodia ga bambo tadkhiu khai mide



Newmai News Network

Imphal, kajinghiu 16:

Luan 17th bo Naga in Cambodia (NaCAM) gu Aruang, 2023 hai kajinghiu 14-16 si Phnom Penh, Cambodia ga “Connectd for His Purpose” chiubo ladpui hang ga su tadkiu khaimide chiujiu NaCAM gu Bampi Wibonbou Abonmai niu Newmai NEws Network ga dinkhai ye.

dungtu Ching Tam Women Development Association Manipur gu president Kunjeshwori niu majangjiu Piulong ga jiang nia bamkhai jiu pasumbo nai Tamenglong HQ ga wangtang khajiu patu judou khaibo ngam si Jadonang park ga kamkhaide. Siga Liangmai Pui Naga Ruangdi Tamenglong zone sigasu Zemepui Baudi gu dance troupe niu patu karu khai ye. Sibosai Noney ga di patu chunwiiu judou khai bi ye.

Media mai ga Dr. Alyson niu pahhai wangkinbo election ga candidate thiujii padra chapkhai mibo we, chiujiu I niu minorities dung, lung kalak mai khatdi maluang genlam lungbam maigu rights lam ga wisan khangra kamkhaine chiujiu dinne. Roadshow hai maidung tu npoujiu palu gu chariubo khatdi wangtang kalak bo lam ga silura leng ye chiujiu pahniu dinne.

Roadshow tadkiubo ga padam lukhai mai mathiu tu thonkiu we chiujiu pahniu din khaiye

Naga mai aruang hai

NaCAM hai 2017 ga lingsu khajiu “NaCam” Naga in Cambodia chiubo hai Naga gu Missionary Wati Longkumer niu mathak khaibo we chiujiu Wibonbo niu dinne.

Chiujiu NaCAM Aruang hai takum machang Khmer New Year gu Mathak bonai tadkiu ku bo we chiujiu dinne. Cambodia ga Naga mai chamai 75 kumbo bam me, palu si kakenglam missionary, Katipao, NGO Workers Ariakna dung ye chiujiu tacham ga dinne.

Kakhengthiubo, interaction, Tanui-chapa thiubo, mathen khatdi Naga gu Katiu kasak tiubo dungsii haibo NaCam araug ga kamkhaiye chiujiu palu gu champao ga dinne.

Dimapur ga chamih toupadjiu chaky 30 kumbo ru mide



Dimapur, kajinghiu 17:

Dimapur, Master colony, C Kuda Village ga kajinghiu 15 bonai wangchak 11:44 pm kumbo ga chami kataanbo toupad jiu chaky 30 kumbo ru masha mide. Tacham dinwang bo wang katangg ra chamai kasia bo hakha ye chiu we. Central fire station lamsu khatdi West fire sation nai Chumoukedima fire station lamsu wangjiu wangchak 1 kumbo chamih kataanb bo hai katai khai ye chiujiu official niu dinne.

Investigation hai chamih detiugasu toupad houbo lo khatdi chamih niu chapot mania dejiu kam masa milo chiubo phiupadra tadkiu houjiu bam mide chiu dinne.

-NP.

CAPF gu constable exams ga Manipuri gasu niudi rousui raleng suikhai mide

New delhi, kajinghiu 15:

Ministry of Home Affairs niu Central Arm Police forcs (CAPF) Constable(general duty) gu Exams roubo ga Regional language 13 thinbo suiye chiujiu suikhaibo ga Manipuri lad gasu di rousui leng suikhai mide.

CAPF hang gasu gutsuibo si Central Reserve Police Force (CRPF) Border Security force (BSFO Central Industry Security Force (CISF), Indo-Tibetan Border Police (ITBP), Sashatra Seema Bal (SSB) khatdi NSG-National Security Guard dung ye.

Chalad N-bung

Akhualiupui = Maipui khangkhat tu pazan kumakjiu patu kubojanne

Liangmai Orthography

Associative -nai	<u>Personal Pronoun</u> anai, panai, aliu nai, paliu, nanai
<u>Indefinite Pronoun</u> mai panai, khangkhat panai, sou panai	<u>Noun (animate)</u> Chakui panai tani, Tingwang nai Satan <u>Noun (inanimate)</u> Tatukang nai singtang

Note; Pariga Bold Text ga khai nbambo ladjeng (anai, nanai, etc) hai Lianglad sai suiuiu zu taruang mak dau lakge chiubo lengnge Proper noun hina ga zu taruang makne.


Table 6: -nai haitu Sentence ga raokhairabo zai

<u>Benefactive -leng</u>	<u>Personal Pronoun</u> aleng, paleng aliuleng, naleng
<u>Indefinite Pronoun</u> maileng khangkhatleng souleng	<u>Noun (animate)</u> Chakui leng Lungthonbou leng

Note Pariga Bold Text ga khai nbambo ladjeng (aleng, paleng, etc) hai Lianglad sai suiuiu zu taruang mak dau lakge chiubo lengnge. Proper noun hina ga zu taruang makne.

Table 7: -niu haitu Sentence ga raokhairabo zai

Mathen Cham



Senapati, kajinghiu 15:

Raikachangbo District Women's Premier Football League hai Senapati ga Nidwannai houkhai mide. Tournament hai Joram Koveo, Senapati District Olympic Association, Manipur (SDOAM) gu president niu NPO gu president Solomon Arow, SDWA gu President RN Hanah khtadi khatdi paliu gu Chagian Major Rahul Chetri masuang ga mathen si lepad khai mide.

SDOAM hang gasu District Sports Association niu maang khaibo tournament ga team 6 niu padam luuiu mathen si kajinghiu 20 bonai tangbo mathen kiu sune. haibo tournament si kasanuiu lepad khaibam bo Astro Turf Mini Stadium ga mathen kiu raye.

Karaiga Karnataka gu Chief Minister phungkhai bo piu Jagadish Shettar niu Congress ga jomide



Bengaluru, Kajinghiu 17:

BJP gu Leader katingbo khatdi Karaiga CM phungkhaibo piu Jagadish Shettar niu Congress Party ga jou mide. pahniu congress ga kajinghiu 17 bonai jou gutbo ga KPCC gu president Shivkumar niu Shettar tu wangkingbo Karnataka Assembly election karamhiu 10 bonai takiuboga Hubballi-Dharwad Central constituency gasu contest kamra leng B' form haisi pikhai mide.

Shettar niu haibo constituency gasu 1994 gasu suuiu palon 6 BJP gu ticket gasu ngam khangmibo we. chiuuiu BJP dungniu haimin Ticket zanpad boga paleng pikhai makbo we. Chiuja pahniu raithubo thiuuiu congress gu ticket gasu elction si contest kamra ye.

Takum 67 tingmibo piuiu Congress party Office Bengaluru ga jou gut bo ga patu lukhai bo tien hai AICC gu president Mallikarjun Kharge, Karnataka Pradesh Congress Committee gu President D.K. Shivkumar khatdi karaiga Cm thiukhaibo Siddaramaiah, KPCC gu Campaign Committee Chairman M.B. Patil khatdi AICC gu General Secretary K.C Venugopal paliu niu kamkai ye. Siga Kharge niu Congress party gu pengphai khatdi charapen si Jagadish Shettar tu pikhai ye -The Hindu

Kadipiri ga dithubo rocket, SpaceX Starship si karai bo thiuuiu langkhai madiura kaden loi mide



Starbase, United States, kajinghiu 15:

SpaceX Starship gu raithubo flight test hai mennai langkhai madiura kadenloi jiu bam mide. Haibo SpaceX si taliupad bo rocket rongga su tanthubo khat ye khatdi rocket sinu astronauts dung tu chahiudih lam khatdi Mars lam sigasu sibo nriam langkhai lura taliu padbo we chiu we. haibo kadibo rocket si Starbase, The spaceX spacefort Boca Chica, Texas gasu mennai langpad kambam bo we. Chiuuiu Mennai langpadra kambam bo si kamlu mak sai kanah bo nidkak lamsu langlan bo suiye chiuuiu Space X gu founder Elon Musk niu dinne. Haibo flight si risky thiubo we chiuuiu ELon Musk niu twitter gu Live ga nidnai dinne, haisi niu kakungbo khatdi kadibo rocket launch thiur rai thubo thiur suneh chiuuiu dinne. Haibo rocket ga kamoubo keng na padsuiye, chiuuiu aliui si mathingsira pagengbam me khatdi siga kamoubo maksai wangtang lak bo ngousai, launchd thiura bo pawan si kakhit lan mira ye chiuuiu Elon niu dinne.

PIULONG MEADOW CUM PENNIA Wild Mushroom FEST 2023
25th-26th April, 2023

Salam Rajesh
Member, Commission on Environmental Economic & Social Policy, IU/CN
Topic: Conservation of Biodiversity and Wildlife for Future

Manjibou marinmai
Joint Director, Ministry of Defence, GOI
Topic: Tourism Industry is an Engine of Economic Development

Mani Charenamai
Former MP
Topic: Sustainable Resources Management to Mitigate Climate Change

Witouhou Newmai
Editor, MNN
Topic: Media & Society

PIULONG MEADOW CUM PENNIA WILD MUSHROOM FEST 2023
25th-26th April, 2023

Chief Guest & Brand Emissary for Nature and Tourism
Dr. Alyson Abanmai
Intending candidate for Outer Manipur Parliamentary Constituency

Ambassador - Save Piulong Meadows - Wangraibou Ngonamai
Director
Lungsiat Ministry

Organised by:
The Makulongi Express
In collaboration with Piulong V/A, LNC, LNKR, LPNR, Save the River Foundation & Liangmai Nature Club

Theme:
Piulong, Tamei, Tamenglong, Manipur
Preserve Nature, Celebrate Nature

INVITATION

Open essay writing competition on
PRESERVING PIULONG MEADOW

org by **The Makulongi Express**

LANGUAGE - ENGLISH

WORD LIMIT - 1000 TO 1200

LAST DATE OF SUBMISSION - 20.04.2023

win **Exciting PRIZES**
1st - Rs. 3000
2nd - Rs. 2000
3rd - Rs. 1000

to be submitted at
liangmaifoundation@gmail.com